



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monumenta Paderbornensia

Ferdinand <Paderborn, Bischof, II.>

Amstelodami, 1672

Acidula Smechtana.

urn:nbn:de:hbz:466:1-7830



ACIDULA SMECHTANA.

MEMORIÆ. SACRUM

NON. EGO. VICINIS. DUBITEM. CONTENDERE. NYMPHIS
 TANTA. LICET. NOSTRÆ. COPIA. DESIT. AQUÆ
 FRIGIDIOR. GLACIE. CERTE. MEA. NECTAR. ACORE
 UNDA. REFERT. VITRO. SPLENDIDIORQUE. FLUIT
 UTILIS. ET. CALIDO. JECORI. STOMACHOQUE. DOLENTI
 ET. PRÆSENS. ÆGRIS. RENIBUS. AUXILIUM
 PRINCIPIS. HINC. PATRUI. PRINCEPS. EXEMPLA. SECUTUS
 FERNANDUS. PATRIÆ. MAXIMA. CURA. MEÆ
 MARMOREO. POTAS. ORNAVIT. MARGINE. LYMPHAS
 ADDIDIT. ET. GRATA. CARMINA. DUCTA. MANU
 TU. MERITI. CONTRA. MEMOR. ILLIUS. USQUE. LIQUORES
 ARENTI. SITIENS. QUI. TRAHIS. ORE. MEOS
 POCULA. FERNANDI. FAC. LIBES. PRIMA. SALUTI
 INCOLUMIS. PADERÆ. QUAM. DABIT. ILLE. SUÆ

FERDINANDUS. DEI. ET
 APOSTOLICÆ. SEDIS. GRATIA. EPISCO-
 PUS. PADERBORNENSIS. COADJUTOR
 MONASTERIENSIS. S. R. I. PRINCEPS
 COMES. PYRMONTANUS. ET. LIBER. BA-
 RO. DE. FURSTENBERG

AD. MEMORIAM. ACCEPTI. BENEFICII
 P. C. AN. M. DC. LXIX

NAUSEAT. AUT. SIQUIS. CALET. HINC. BIBAT. ÆGER. OREXIN
 NOSTRA. FACIT. STOMACHO. PELLIT. ET. UNDA. SITIM
 NECTAR. ACORE. VITRUM. SPLENDORE. ET. FRIGORE. BRUMAM
 EXSUPERAT. MEDICÆ. NEC. CARET. ARTIS. OPE

Kk 3

NO.

N O T Æ.

SMECHTANAM Acidulam, accolis, Metbrunne / hydro-
meli dictam, nos olim his elegis celebravimus.

*Nympha decus sitve, pulcherrima Nympha sorores
Inter Hamadryadas, Naiadasque deas.*

*Quis te presenti sparsit medicamine? quis te
Melliti fontis nomen habere dedit?*

*An, magis ut saperent, acidas tibi dulciter undas
Ambrosia succis diluit ipsa Salus?*

*An, velut Hybleis è floribus omnia libat
Fingendi studio sedula mellis apis:*

*Sic, dum nunc ferri venas, nunc eris oberras,
Vim trahit inde tua, quàm fluit, humor aqua?*

*Quicquid id est: stomachi fastidia vincis inertis,
Nec sinis accensum bile tumere jecur;*

*Et quæ præterea versu comprehendere non est,
Sæpius innumeris pota medere malis.*

*Salve Naturæ mulsam, gratissima morbis
Sospita, languentium nectar, inempta salus.*

*Quòd mihi si bilem solitâ virtute coèrces,
Quæ jecori, nimio dum furit igne, nocet;*

*Carminibus nostris decorataque marmore, nomen
Grande salutiferas inter habebis aquas.*

Quibuscum concinit Musa JOANNIS ROTGERI TOR-
KII nostri, Mindensis Præpositi, Canonici Paderbornensis ac
Monasteriensis, non semel laudata.

*Fons in umbroso venerande luco,
Fam diu Phæbo sacer, ac Saluti,
Qui levas fessum jecur, & palato
Mella propinas*

Atti-

*Atticis longè potiora succis,
Quos per Hyblaos studiosa colles
Turba formosi populat a florem
Condidit anni.*

*Montis intonsi decus & voluptas,
Ejus extremo pede, bullienti
Profilis aestu gravis è metalli*

*Divite vena,
Principem serva mihi FERDINANDUM,
Patriæ Patrem, tua concinentem
Nobili plectro, tua mella pleno
Ore bibentem.*

Virtutem hujus aquæ singulariter etiam commendat Tabernæmontanus in suo aquarum Thesauro cap. 59. salubritatem illius coram periclitatus. Tabernæmontano assentitur Rottendorffius noster in literis, quas Driburgensis acidulæ monumento subjungimus. Inter Smechtanos fontes numero plures, unus in colle situs, avibus ex eo potantibus exitialis, hominibus innoxius, petigini & scabiei medetur. Largiar hoc præstantiæ & celebritati hujus acidulæ, ut antiquitatem vici *Smechtan* à quo denominatur, eruam ex hoc Caroli Crassi Imp. diplomate, Herifensi Parthenoni dato, cujus etiamnum beneficio Smechta à Nobilibus de *Assborg* possidetur.

IN nomine sanctæ & individua Trinitatis. KAROLUS divina favente gratia serenissimus Imperator Augustus. Si loca divino cultui mancipata nostro levamus juvamine. hoc nobis ad aterna remunerationis premia capessenda profuturum fore liquido credimus. Quapropter omnium fidelium nostrorum presentium scilicet & futurorum cognoscat industria. qualiter Bisò venerabilis Paderbrunnensis Ecclesiæ Episcopus attulit nostræ Serenitati quoddam conscriptum in quo continebatur. qualiter quoddam monasterium sanctarum monialium in loco qui dicitur Herisi. una cum licentia piissimi genitoris nostri Liuthardus Episcopus. una cum decreto Liuiberti Archiepiscopi. atque omnium consynodalium suorum Coëpiscoporum. simulque omnium sacerdotum & Clericorum à fundamentis fuerat constructum ea videlicet

cet ratione. quia ipse Liuthardus Episcopus. & soror ejus nomine Wald-
 burc in sanctimoniali proposito permanens. tradiderunt suam proprie-
 tatem ad præfatam sanctam Ecclesiam Paderbrunnensem. quæ est con-
 structa in honore sanctæ Dei Genitricis Mariæ. quatinus eadem res per-
 petualiter in ejusdem Monasterii potestate consistant. Et deprecatus est
 nos idem venerabilis Episcopus Biso. ut ipsum Monasterium & res ad
 illud pertinentes sub nostræ immunitatis tuitione & defensione suscipere-
 mus. & tales casas. sicut ipse in beneficium habuit in villa Nadri pro
 remedio animæ nostræ illuc ad Dei servitium ipsis monialibus concedere-
 mus. Nos vero ejus petitioni libenti animo satisfaciētes. ita fieri
 decrevimus. Concessimus igitur illuc in ipsa villa Nadri hobas x. cum
 casa & curte. vel cum omnibus juste ad ipsas hobas pertinentibus
 vel respicientibus. & jussimus eis fieri hoc nostræ auctoritatis præ-
 ceptum. per quod decernimus atque jubemus. ut memorata Wald-
 burc præfatum Monasterium Herisi diebus vitæ suæ securiter per
 hoc nostræ auctoritatis præceptum habeat atque possideat. Post suum
 vero decessum licentiam ipsa sorores habeant inter se eligendi Ab-
 batissam. una cum consensu illius Paderbrunnensis Ecclesiæ Præsulis.
 Et mundeburdum de eadem Ecclesia habeat præfatum monasterium
 Herisi. & per unumquemque annum IIII. solidos ad eandem Ec-
 clesiam persolvant. simulque mansa x. in villa nuncupata Haionhus.
 quæ Liuthardus venerabilis Episcopus illuc perpetualiter permanenda
 concesserat. cum decimis villarum quæ vocantur Herisi. SMATH-
 TIUN. Northgardinun. & Suthgardinun. cum appendiciis sibi vil-
 lulis in usibus Ancillarum Dei tradita. per hoc nostræ auctoritatis
 præceptum plenius in Dei nomine confirmatum. nullo inquietante. sed
 Deo auxiliante perpetuis temporibus consistant absque alicujus con-
 tradicentis obstaculo. Volumus etiam atque præcipimus. ut sæpe jam
 dicti monasterii Ancillarum Dei homines. non alio modo à judiciariis
 personis constringantur. nisi sicut Paderbrunnensis Ecclesiæ præceptis
 concessimus. Episcoporum quoque synodale decretum conscriptum & si-
 gno subscriptionis roboratum super memoratum monasterium Dei no-
 mine Herisi nostræ quoque largitatis concessione firmatum permaneat.
 Et ut hæc auctoritas largitionis nostræ firmior habeatur. & per fu-
 tura tempora à cunctis fidelibus nostris verius credatur & diligen-
 tius

tius conservetur. manu propria nostra super eam confirmavimus. & sigillo nostro assignari jussimus.

Signum Domni KAROLI Srenissimi Imperatoris Augusti.

Amalbertus Cancellarius ad vicem Liutberti Archicapellani recognovi & ss. Data XI. Kalend. Octob. Anno Dominica incarnationis DCCCLXXXVII. Indictione. V. anno vero regni Domni Karoli serenissimi Imperatoris Augusti. in Italia VII. in Francia V. in Gallia III. Actum ad Justinauna curte regali. in Christi nomine feliciter. Amen.



L1

ACI-